



UNIVERSITÄTS-
BIBLIOTHEK
PADERBORN

Universitätsbibliothek Paderborn

Centvriæ Selectorvm Casvvm Conscientiæ. I. II. III.tia

Burghaber, Adam

Fribvrgi Brisgoiæ, 1665

33. Eutyches ex iusta causa recuperandi debitum suum licitè exigit iuramentum ab Eutyche, etiamsi hunc peieraturum certò sibi persuadeat.

urn:nbn:de:hbz:466:1-40942

Iust. n. iii. Nam licet pactum illud non sit irritum, quia Pontifex non irritat, est tamen illicitum, cum lex non fundetur in falsa præsumptione, sed in veris periculis & occasionibus peccandi, ad quas impediendas prohibet Pontifex vniversim eiusmodi pactum in cambio. Quod idem de alijs legib, humanis cambium vetantibus intelligi debet. *Acque sic etiam patet ad rationem in oppositum.*

XXXIII. *Eutyche debet 1000 aureos Eutychio, quos tamē præfractè negat, offerique juramentum etiam coram Magistratu suæ immunitatis, quod iuramentum falsò ipsum præstiturum esse, nouit Eutychius, qui interim egrè fert tanti debiti iacturam. Queritur. Vtrum Eutychius siue extra siue intra iudicium exigere possit iuramentum ab Eutyche, quem scit falsò esse iuraturum?*

Videtur non posse. Ita Syluius in 2. 2. q. 98: art. 4. conclus. 2. Sotus de iustit. L. 8. quæst. 2. art. 14. Basilius Pontius de Matr. L. 5. C. 18. n. 58. & num 60. 61. & 62. & plures alij Doctores, quos refert P. Thomas Sanchez L. 3. in decal. c. 8. n. 5. Prob. Tum auctoritate S. Augustini relati in Cap. ille qui. & Cap. qui exigit 22. q. 5. vbi absolute affirmat, eum, qui cogit alium ad iurandum, quem scit, falsò iuraturum, peccate, & peiorem esse homicidâ. Tum quia in iuramento falso, quatenus falsum est, nullum est bonum. Ergo exigi nequit.

Resp. Eutychium ex iusta causa recuperandi

Q4

randi

randi debitum suum licitè siue in iudicio siue extra istud exigere posse iuramentum ab Eutyche, quem scit peieraturum. Ita Less. L. 2. de Iust. c. 42. n. 49. Suarez Tom. 2. de Relig. Tr. 4. L. 3. c. 14. n. 16. Sanchez lo. cit. Bonac. Tom. 2. D. 4. Q. 1. pun. 11. n. 1. & plures alij. Ratio est. Quia in petitione iuramenti absolutè nihil mali inuoluitur, cùm possit optimè fieri; quod autem Eutyches iuret falsò, huius malitiæ tribuendum est, non petitioni Eutychij, qui eam malitiam impedire non tenetur cum tanto suo detrimento. Confirmatur. Iudex potest licitè exigere iuramentum in tali occasione, requirente id auctore. Ergo petitio talis non est intrinsecè mala. Ergo potest ab ipso etiam auctore fieri.

Ad primum in contrarium dicimus, S. Augustinum loqui de eo, qui postulat, vt iuret alter falsum, ad quod scitur esse determinatus, vt explicat illum Suarez n. 14. quod non licere hinc patet, quia ex illa petitione conuincitur aliquis petere iuramentum non absolutè, sed vt iniquitate vestitum. Videtur quidem sentire Sanchez n. 27. etiam hoc licere, sicut petere quis potest mutuum ab usurario sub usuris, quando aliâ viâ mutuum obtinere nequit. Verùm disparitas est, vt bene aduertit Palao Tr. 14. D. 1. pun. 10. n. 10. quia concessio mutui & petitio usurarum sunt res distinctæ, ac proinde potest quis licitè petere concessionem mutui,

mutui, & permittere vsurarum petitionem: at iuramenti falsitas vel iniquitas ab ipso iuramento non distinguitur. Ergo dari nequit iuramenti petitio, quæ simul non sit petitio falsitatis vel iniquitatis. Ad *secundum* dicimus, non posse quidem iuramentum falsum exigere, quatenus nullum est bonum: at bene, quatenus aliquam secum trahit utilitatem, sic enim quemadmodum in iudicio, ita etiam extra hoc licitè exigitur.

XXXIV. *Franco aliquot iam annorum sacerdos magnâ angitur anxietate animi circa tactum materiae, quasi hunc, cum in sacerdotem ordinaretur, non habuisset physicum: eoque iam devenit, ut actum nullum sacerdotij aliorumque sacerdotum Ordinum exercere velit, tanquam invalide consecratus. Confessarius, ut malo huius medeatur, iubet illum sine sollicitudine esse, aitque materiae contactum physicum non esse de essentia ordinationis ex parte ordinandorum. Queritur. An verum sit hoc fundamentum, ex quo Confessarius consolationem suam perit?*

Videtur non esse verum, sed physicum & saltem mediatum contactum materiae requiri. Ita S. Thomas in 4. Dist. 24. q. 1. art. 1. *quaestiunc. 5. ad 3.* Et in *supplem. q. 34. art. 5. ad 3.* Valentia, Sa, Coninck, Bonacina, Palao. & multi apud Dianam P. 2. Tr. 16. Res. 3. & P. 3. Tr. 4. Res. 185. Mouentur. Tum ex praxi Ecclesiae, & sollicitudine tam ordinantium, quam

Qs

quam